

清詞珍本叢刊

張宏生 編

⑨

鳳凰出版傳媒集團
鳳凰出版社

清詞珍本叢刊

聊齋詞
梨莊詞
綺霞詞
洪崖詞
岸舫詞
羅裙草
秋左堂詞
巢青閣集詩餘

⑨



鳳凰出版傳媒集團 鳳凰出版社

聊齋詞卷上

淄川蒲松齡留仙著

驚曉序

丁未春日濟城感賦

惱他一聲曉鵲把花魂喚醒畫闌曲
聞殺雙鴛尋香慵步苔逕算過了
清明寒食棠梨滿地飄愁影倩餘
寒勒住荼蘼緩催芳訊
春色年年自來自去那知
人瘦損香篆裊窗掩文紗雨絲風片
銷凝露花梢斜陽一抹隱深隴
斷紅將暝爭而今天也慳晴替增愁
病誰家院落一樹緋桃頽霞依斷井
自點綴傷心

春色紅淚偷拋寂寞閒庭悄無人問呢喃燕子雕梁
難覓舊時王謝今何處便尋常巷陌殊風景此情莫
訴怕他妝閣人知黛蛾蹙損明鏡 繡裙簇蝶玉管
調鸚正韶光似錦道是處珠簾翠幕綵柱鞦韆花壓
闌干畫長人靜春風十里司勳夢勝梢頭豆蔻音塵
冷况樓臺灌木添淒警那堪斷送繁華楊柳青青荒
靡不盡

清平樂

題黃子厚柳外倚聲圖

黃名垣即墨人
康熙癸卯舉人

垂楊樹舊是聽鸝處拍板一聲花欲舞紅豆拋殘無

數闌干閒倚斜曛悲秋何似傷春花得銷魂句子
尊前合付朝雲

木蘭花曼

早春聽雨和袁松蘿

袁宣四字

又風風雨雨淒淒切切綿綿怪燈暗深宵霧迷清曉
愁赴新年青天不應有恨泣銅龍清淚滴珠圓篆壓
猊金香重夢回鴛錦寒添。愁兼風影蕩苔烟吹綠
度空簾算纔得春來便如春莫情緒懨懨梅邊翠禽
何處聽鳩聲酸楚似曉鵲待覓茆檐相賞玉壺無買
春錢

春前調

新月和松籬

傍黃昏弄影分明恨有誰知正珠斗橫斜碧天寥廓
銀海迷離相思團藥甚日且低回宛曲待佳期心事
深含淺露無言閒度花西依稀簾底斂蛾眉高閣
與雲齊記寶玦初分金鈎暗送弓履輕移經時漫憐
銷瘦怕一回相見一回遲况是刀環夢遠玉釵敲斷
空闌

前調

殘月再和松籬

漸冰壺漏歇無聊懶度虛窗鎮夢斷重衾香銷沈水
燈燼銀釭宵涼倦扶病起却為誰顛顛減容光便有
一天風致無人解惜徐娘誰將金鏡剖驚皇淒絕
怨蛾長做吊影情懷斷魂身世落魄形藏吳剛不應
脩削待彌縫缺陷費商量莫問二分消息話揚州問
般陽

沁園春

戲作

鬢髮已催頭顱如故悵悵何之想溷邊花朵今生悞
落塵中福業前世或虧齷齪庸奴跳梁傖父舉足能

教天意隨思量偏欲倣他行徑魂夢先違
常期勉改前非須索把小人一偽為要啁啾善語憐人似燕
笑號作甌迥世如鷗賺得蒼蒼拋來富貴鬼面方除
易易衣旋回首向天公實告前乃相欺

前調

歲莫唐太史留飲

錦繡人家深沈院落不染塵埃看千章樹外君公第
啟萬竿竹裏書舍門開雪煮團茶座延國士何數淺
斟低唱我尤難處在世人欲殺我意憐才登堂相
與徘徊喜值蒲萄發綠醅念窮途不偶我狂似絮幽

芳自喜君淡如梅
盼睐承寵留連不盡爭
奈城頭落照催毋留
我樂談不厭數日還來

水調歌頭

飲李希梅齋中作

為問往來雁何事太奔忙
滿斟一琖春酒起舞勸飛
光莫要匆匆飛去傳得英雄傑
士鬢髮已凌霜夢亦
天休管不許謁槐王
昨日袖今日舞已郎當便能
長醉誰到三萬六千場
漫說文章價定請看功名成
否有甚大低昂只合行將去
閉眼任蒼蒼

前調

希梅生朝譜此為壽

平頭將六十今歲預稱觴
華年纔是五九來日喜方
長窗外寒梅香淺掌上金尊酒滿
歌咏協宮商自和
醉翁操花下古琴張
舞時樂眠時倦醉時狂誰將
石湖仙壽我獨媿堯章信有金蕉玉友何必玉人金
縷松柏歲寒芳永與樂今夕三萬六千場

捉拍醜奴兒

閨思

長病似離魂非痛癢無處堪捫
闌干倚遍嬌無力欲
眠繡榻生愁鴛被獨抱難溫
簫鼓闌干門人團圓

共對芳尊家家逐隊尋歡去憐儂獨自寒蟬聲裏消
盡黃昏

風流子

元宵雪

金吾不禁夜誰教玉屑糝迴廊想天女散花將花撚
碎傳來粉手拋落青蒼亂飄泊灑樓飄細細入竹響
鏘鏘第一月明無雙燈火天真好笑為甚倉忙多
應嫦娥意招滕六偕來並賞燈光彷彿射殘素雁獵
罷銀蟾料人閒歲始天宮春暮瑤池楊柳飛絮顛狂
獨惜梅花冷落瘦損寒妝

驀山溪

雪珠同李希梅作

雨條風片點綴春明媚
一桁繡簾垂聽打上簾鉤細
碎蘂宮人去飄下五銖衣
收不住撒花鈴戛戛聲清
脆樓東岑寂無限淒涼意
梅影正孤寒問一斛盈
盈誰寄陽春吟就天外
覓歌喉人不見素雲低空灑
冰綃淚

惜餘春曼

春怨

因恨成癡轉思作想
日日為情顛倒
海棠帶醉楊柳

傷春同是一般懷抱甚得新愁舊愁刻盡還生便如
青草自別離則在奈何天裏度將昏曉 今日箇感
生春山望穿秋水道棄已拚棄了芳衾妒夢玉漏驚
魂要睡何能睡好漫說長宵似年儂視一年比更猶
少過三更已是三年更有何人不老

鼓笛曼

詠風箏

尋常竹木無奇骨有甚底扶搖相繫長繩撒向春風
裏頃刻雲霄飛上多少紅塵客望天際一齊瞻仰念
纔同把握忽凌星漢真人世非想得意驕鳴不了

似青冥無窮佳况我從人衆憑空翹首將心情質向
不識青雲路去塵寰幾多尋丈得何時化作風鳶去
呵看天邊怎樣

玲瓏四犯

前題

貼紙如屏共道是風箏始俑誰作萬丈天衢倏爾乘
風飛度但見一點蒼茫卻又被白雲留住莫輕將閶
闔排呼恐惹豹關驚妒扶搖一擊南溟路俯人間
河山無數喁喁斷續無休歇想共飛鴻語又似停翼
饑鳶繞村舍迴翔審顧幸長繩繫著留得不教仙去

掃花游

晚春石隱園坐雨

小池漲碧正病柳搖波影兒低
汀嫩寒院宇又殘紅
亂落滿庭煙雨魚鳥窺人伴我
闌干倦撫怕春莫待
努力愛春春已歸去
幽思縈毫素早畫漏沈沈隔
花吹度味酸意楚看梅胎漸滿
綠陰芳樹甚處雕梁
著箇泥香燕乳遠懷誤盼天涯
濕雲遮住

賀新郎

王子巽續絃即事戲贈

喜就三生約憶當時迴廊瞥見疑真疑錯及至相逢

無人處欲語寸心先作一別後相思如渴誰料赤繩
早繫定引雕孤射中金屏雀感佩然填橋鵲洞房
重結鴛鴦索枕頭邊端相仔細芳容如昨疇昔狂言
上場頭依樣葫蘆要作切切語脂香盈幕囑郎休蹈
從前過蕩天涯歲月久拋卻須記取郎曰諾
高髻雲翹顫倚東風濃脂臘粉熱香盈院凌波一曲
紅花簇顛倒黦毼輕踐憶曩昔鏡花空羨從此相逢
秦晉會抱懷中夕夕近嬌盼真將衷情說相思千
萬乍見人人沒是處上下按莎欲遍此際信巫山不
遠幾年不到陽臺路恐生疏未必行雲善第一夜費

調轉

兩同心

前題

長髮頻刪黑髭漸短青帳裏玉貌如花紅燭下秋波
似翦將檀郎數數偷睽靈心暗轉別有弓腰旖旎
蓮鈎膩耍新妝近熟粉香生禿衿解小幃春暖銷魂
處秀項微豐略聞嬌喘

鶴冲天

前題

郎有意妾多情豆蔻結深盟聞時懽愛見時驚總是